

## NORMATIVA GENERAL

Documento - Eç	Nasa yuwe
<p>Acuerdo 008 de 2008 del Consejo Superior Universitario</p> <p>=Puypuywe'wnxi 008-2008te we'sx Piyayat Walate Thuthesawe'sx ikanxji</p>	<p>Txãa pa'ka maw piyayatwalate txte piyan üsnxi txha maw fi'zwatheva dxihk pa'kan üsnxi</p>
<p>Acuerdo 033 de 2007 del Consejo Superior Universitario</p> <p>=Puypuywe'wnxi 033 - 2007te we'sx Piyayat Walate Thuthesa we'sx ikanxji</p>	<p>Txãa pa'ka piyasa wesx ew piyan u'khan wejx selpisa's maw mjiwatheva ku'le'n ki'kin atxahn txãwnxuça Jxu' Piyayat Walate (Universiad Nacional de Colombia) nuyhtna u'jeçthaw</p>
<p>Acuerdo 039 de 1998 del Consejo Superior Universitario puypuywe'wnxi 039 -1998te we'sx Piyayat Walate Thuthesa we'sx ikanxji</p>	<p>Txãa pa'ka papejnxitx jxawnxi's thĩcxa kajiyunxjitxi's paaçtethaw ki'pu Mawnxuça ne'ta skhew maz yak ne'ta skhew nava txãa pa'kaçxa ki'pnxi kajiyunxjitxi's jxuka txãa Jxu' Piyayat Walate çxaa ne'ta neenxu ew jxawnxi</p>

## U'KAWA'SATX MAW PA'KAWATHEVA

Documento Eç	Nasa yuwe
<p>Resolución 042 de 2017 Txtey nxuwa' fxi'nxji 042 - 2017tete we'sx</p>	<p>Txãa pa'ka pahz(4) yuwe jxukheknxi's txhĩçxa txtey nxunxi aa's (a) yuwe jxukheknxi 16te kikin yuwe jxukheknxi 002- 2014te we'sx txhĩçxa txtee piyanxi piyayatwalate we'sx ikaasa yak thegçxa ĩsanxi üsnxi's spahtxnetaxãa piyayat palmirate piyasa ew skhewkan txhĩçxa PEAMate pa'akanxísate we'sx vite' piyayat Amazonia,Caribe,Orinoquia txhĩçxa Tumacote we'sx txãwēy</p>
<p>Resolución 002 de 2014 de la Vicerrectoría Académica Txtey nxuwa' fxi'nxji 002 - 2014te we'sx txte Piyayatte Kapiyasa we'sx ĩkanxji</p>	<p>Txãa pa'ka maw kaapiya'jwatheva piyasa's pa'kawa ĩsanxi's atxahçxane'ta piyayatwalate çxab wala utate yaçte ĩsaçxa nuytu'</p>
<p>Resolución 235 de 2009 de la Vicerrectoría Académica</p>	<p>Txãa pa'ka piyasa yaçkasesa we'sxtxi's kikin naa çxab wala uta piyayatwalate pa'kaya evunthkhaw ĩnxi'k nenxu naa eçte</p>

Documento Eç	Nasa yuwe
<b>Txtey nxuwa' fxi'nxji 235 txhîçx 2009te we'sx txãa Piyayatte ikanxji</b>	
Acuerdo 055 de 2014 del Consejo de Facultad de Artes, Sede Bogotá <b>Puypuywe'wnxi 055 txhîçx 2014te we'sx Piyayatte Thuthesa we'sx ikanxji</b>	<b>Txãa pa'ka ja'da çxa ki'pnxi nenxuçta' piyasa u'kaya evukan maw piyawa'theva atxanxjis makwe jiite va jiyuya' txhîçxa 003 txhîçxa 2011te we'sx puypuywe'wnxi's nxu'pthethaw thuthesa we'sx jî's</b>
Resolución CF076 de 2010 del Consejo de Facultad de Arquitectura, Sede Medellín <b>Txtey nxuwa' fxi'nxji CF076 txhîçx 2010te we'sx Piyayatte thuthenas yat txanjas yak Medellinte we'sx</b>	<b>Txãa pa'ka maw piyawa'theva atxanxji's jiyuçxa ukakan piyayatwalate nuytuçthaw naa çxab Wala utate</b>
Acuerdo 102 de 2013 del Consejo Superior Universitario <b>Puypuywe'wnxi 102 txhîçx 2013te we'sx Piyayat Walate Thuthesawe'sx ikanxji</b>	Txãa pa'ka maw piyan u'jwa'theva kafxijinxji dxihk ũskan nenxuçta eçte piyasa jî yaçte ekah yuwe piyanxi's kabasatx naa puypuywe'wnxi 033 txhîçx 2007te we'sx txhîçx 008 txhîçx 2008te we'sx ena'te nuytnxi txhîçxa puypuywe'wnxi 035 txhîçx 2008te we'sxa's wejx jisa thuthenas piyayatwalate we'sx yak nxu'pthethaw
Resolución 37 de 2010 de Rectoría Txtey nxuwã fxi'nxji 37 txhîçx 2010te we'sx piyayatte we'sx ikanxji	<b>Txãa pa'ka ãçxha phew'thaw, piyasatxi's txhitçxa piyawa le'çxkwe pëjisatxi's txãwey eçte ja'da çxaa ïsanxite txhîçx spayçx fxi'nxji txhîçx ekah yuwe vite we'sx yak kaja'dakan txtey nxuwa fxi'nxji 469 txhîçx 2009te we'sxa's nxu'pthethaw.</b>

### TXTE WEJX JI'MJESATX PA'KANXI(PAES)

Documento = eç	Nasa yuwe
<u>Acuerdo 076 de 2012 del Consejo Superior Universitario</u> <b>puypuywe'wnxi 076 txhîçx 2012te we'sx Piyayat Walate Thuthesa we'sx ikanxji</b>	Txãa pa'ka ikaja'thaw eçte vxu peejxme ãkhkan txhîçxa piyayatwalate u'kaya evukan txãa naw jiptxin txãa PAES txhimeçxa txte maw kapiya'wa'theva jiptxin txãa PEAMA eçte fxi'nxji' aça txãasu u'kaya evunxa piyaya

Documento = eç	Nasa yuwe
<p><a href="#"><u>Acuerdo 013 de 2009 del Consejo Superior Universitario</u></a></p> <p><b>puypuywe'wnxi 013 txhïçx 2019te we'sx Piyayat Walate Thuthesa we'sx ikanxji</b></p>	<p>Txãa pa'ka ne'ta maw piyawa'theva eçte fxi'çxha ki'p txaasu kuçxkwe vite nasa naweysa ustxin wejx piyasa tâwe'sx txsu u'kaya evunxa</p>
<p><a href="#"><u>Acuerdo 018 de 1999 del Consejo Superior Universitario</u></a></p> <p><b>Puypuywe'wnxi 018 txhïçx 1999te we'sx Piyayat WalateThuthesa we'sx ikanxji</b></p>	<p>Txãa pa'ka puypuywe'wnxi 22 txhïçxa 1986te we'sxa's nxu'pthethaw açã maw kapiya'jwatheva eç üsna txte nasnasasa piyasa we'sx jï u'kaya' evukan</p>
<p><a href="#"><u>Acuerdo 022 de 1986 del Consejo Superior Universitario</u></a></p> <p><b>puypuywe'wnxi 022 txhïçx 1986te we'sx Piyayat Walate Thuthesa we'sx ikanxji</b></p>	<p>Txãa paka nasnasa we'sx piyaya u'kawëte dxihk uskan puypuywe'wnxi eç nuyhththaw</p>
<p><a href="#"><u>Acuerdo 30 de 1990 del Consejo Superior Universitario</u></a></p> <p><b>Puypuywe'wnxi 30 txhïçx 1990te we'sx Piyayat Walate Thuthesawe'sx ikanxji</b></p>	<p>Txãa pa'ka piyawa's thegçxa eçte äkthaw wejx ew piyasa txte u'kakan</p>
<p><a href="#"><u>Acuerdo 093 de 1989 del Consejo Superior Universitario</u></a></p> <p><b>puypuywe'wnxi 093 txhïçx 1989te we'sx Piyayat Walate Thuthesa we'sx ikanxj</b></p>	<p>Txãa pa'ka piyawa's thegçxa eçte äkthaw çxabsu vxukwe ji'mjenas we'sx wejx ew piyasa txte u'kakan</p>
<p><a href="#"><u>Acuerdo 215 de 2015 del Consejo Superior Universitario</u></a></p> <p><b>Puypuywe'wn 215 txhïçx 2015te we'sx Piyayat WalateThuthesa we'sx ikanxji</b></p>	<p>Txãa pa'ka piyawa's thegçxa eçte äkthaw naa çxab wala utate çãam tu'ssa ptxunxitx txte piyaya ukakan</p>

## Normativa Programa Especial de Admisión y Movilidad Académica (PEAMA)

Documento - Eç	Nasa yuwe
Resolución 58 de 2018 Txtey nxuwa' fxi'nxji 58 te tXHİÇX 2018te we'sx	Txãa pa'ka 2 yuwejxukhekhnxis tXHİÇX 57tete puypuywe'nxis akafx 2018te we'sxa's nxuptheje'thaw nava jxukateme txãa piyayatuh ikanxjisa's txaju ne'ta küh piyaya akhwa nuyht naa 2019 a'kafxte tXİÇXA kih piyawatheva txte ta'sxineta txãa PEAMA jİnxisa's
Resolución 57 de 2018 Txtey nxuwa' fxi'nxji 57te tXHİÇX 2018 te we'sx	Txãa pa'ka ne'ta küh piyaya u'kakan eçte fxi'çxha nuyht naa 2019 a'kafxte tXİÇXA kih piyawatheva txte ta'sxineta txãa PEAMA jİnxisa's
Resolución 908 de 2018 Txtey nxuwa' fxi'nxji 908te tXHİÇX 2018 te we'sx	<i>Txãa pa'ka yuwe jxukhenxi pahz(4) tXHİÇX tahza's (5) txãa txtey nxuwa fxi'nxji 405te tXHİÇX 2016te we'sxa's nxupthethaw</i>
Resolución 42 de 2018 de Rectoría Txtey nxuwa fxi'nxji 42te tXHİÇX 2018te we'sx piyayatuh ikanxji	Txãa pa'ka yuwe jxukhenxi tek(3) tXHİÇX tahza's (5)nxupthejethaw tXHİÇXA txãa txtey nxuwa fxi'nxji pahza's (4)petxthaw txãa txtey nxuwa fxinxji piyayatuh ikanxji 55 2016te we'sxa's
Resolución 042 de 2017 de Vicerrectoría Académica Txtey nxuwa fxi'nxji 042te tXHİÇX 2017te we'sx piyayatuh ikanxji	Txãa pa'ka yuwe jxukhenxi pahz(4) tXHİÇX txtey nxunxi aa's (a)nxupthejethaw tXHİÇXA txãa yuwe jxukhekhnxis 16ju txtey nxuwa fxi'nxji 002 txa a'kafx 2014ju piyayatuh ikanxji tXHİÇXA txajuthaw İsanxi İsnxi's spahtx küh piyaya u'kakan vite txãa PEAMAsu skhewsa ki' vite kabameyna piyasatx naa piyayatwala ku'ta Amazonia, Caribe, Orinoquia tXHİÇX Tumacote.
Resolución 1155 de 2017 Txtey nxuwa fxi'nxji 1155te tXHİÇX 2017te we'sx	<b>Txãa pa'ka phew'thaw, txãa PEAMA te Medellinte we'sx piyanxitxi's tXHİTÇXA piyaya u'kakan txãa PEAMA vite SINIFANÁte we'sx u'kawa' eçte äkhnxite vite u'kanxinxasatx txäwëy vite kiwe pe'la piyayatwalasu su kapiyasatx duksa naa cxab wala utasu</b>
Resolución 658 de 2016 Txtey nxuwa fxi'nxji 658te tXHİÇX 2016te we'sx	<b>Txãa pa'ka phew'thaw, txãa piyawa' thegnxi PEAMA Manizaleste vite PEAMA CALDASte we'sx takhwa' u'kawa' eçte äkhnxite vite u'kanxinxasatx txäwëy vite kiwe pe'la piyayatwalasu kapiyasatx duksa naa cxab wala utate</b>
Acuerdo 201 de 2015 Puypuywe'wnxi 201 tXHİÇX 2015te we'sx	<b>Txãa pa'ka kutxhe'sa kapiya'jwas thegnxi's PEAMA peetxji naw thaw ipe'je' txãa piyayatwala ku'ta was çxab wala te we'sx vite Manizales Medellin Palmira tXHİÇX piyayatwala çxabwala utate we'sx</b>

Documento - Eç	Nasa yuwe
<p>Resolución 405 de 2016 de Rectoría  <b>Txtey nxuwa fxi'nxji 405te txhĩçx 2016te we'sx piyayatuh ikanxji</b></p>	<p><b>Txãa pa'ka phew'thaw, txãa piyawa' thegnxi PEAMA txãa was çxab wala piyayat wala ku'taju vite Sumapazte we'sx u'kayanxa' takhya eçte yase's äkhni vite u'kanxixa'satx txãwëy vite kiwe pe'la piyayatwalasu kapiya'satx duksa naa cxab wala utate</b></p>
<p>Resolución 55 de 2016 de Rectoría  <b>Txtey nxuwa fxi'nxji 55te txhĩçx 2016te we'sx piyayatuh ikanxji</b></p>	<p><b>Txãa pa'ka phew'thaw, txãa piyawa' thegnxi PEAMA txãa was çxab walate uta piyayat wala ku'taju vite Amazoniate Caribe,Orinoquia txhĩçx Tumacote we'sx txhĩçxa vite u'kanxixa'satx txãwëy vite kiwe pe'la piyayatwalasu kapiya'satx ew mji pa'ka duknas naa cxab wala utate üstxina</b></p>
<p>Acuerdo 025 de 2007 del Consejo Superior Universitario  <b>puypuywe'wnxi 025 txhĩçx 2007te we'sx piyayatwalate Thuthesa we'sx ikanxji</b></p>	<p><b>Txãa pa'ka kutxhe'sa piyayatwalate kapiya'jwas thegnxi's PEAMA peetxji naw thaw ipe'je txãa ku'ta was çxab wala te we'sx</b></p>
<p>Acuerdo 076 de 2012 del Consejo Superior Universitario  <b>puypuywe'wnxi 076 txhĩçx 2012te we'sx piyayatwalate Thuthesa we'sx ikanxji</b></p>	<p><b>Txãa pa'ka ikaja'thaw eçte vxu peejxme äkhkan txhĩçxa piyayatwalate u'kaya evukan txãa PAES txhĩçx PEAMA ji'psa txãa piyayatwala ku'tasu txhĩçxa çxab wala utasu we'sx.</b></p>

## **KIH NASNASASATX KAPIYA'JWATHEVA THEGNXI**

<b>NORMATIVA</b>	
Acuerdo 018 de 1999 del Consejo Superior Universitario	<b>puypuywe'wnxi 018 txhĩçx 1999te we'sx txhĩçxa piyayatwalate Thuthesx we'sx ikanxji</b>
Acuerdo 022 de 1986 del Consejo Superior Universitario =	<b>puypuywe'wnxi 022 txhĩçx 1986te we'sx txhĩçxa piyayatwalate Thuthesawe'sx ikanxji</b>

### **1. TXĀA PROGRAMATE U'KAWA'SA KĪHÇXAVA KNAYNXĀ EVUTXNA**

<ul style="list-style-type: none"><li>• Piyaya' u'kawēçxa vxu pa'kame eçte yase's ya'fxi'jxa evunekwe</li></ul>
<ul style="list-style-type: none"><li>• Teeçx u'kawa'jxawnxi 2% pa'kasa piyawa' thegnxite u'kawa nuyhtne'ta</li></ul>

### **U'KAYA EVUTE NXU' NAW KNANXUNA**

<ul style="list-style-type: none"><li>• Piyaya u'kanxi's thaakwe pa'ka pēhymenxa</li></ul>
<ul style="list-style-type: none"><li>• Kapiya'jwa' thegnxite kih ji'ptxina nava txte çxhunxite piyasa naw u'kaya' evunega txāa PAEMAsu skhewsate'</li></ul>
<ul style="list-style-type: none"><li>• Deewa' yatkwe mazkweçxava nxu' va ūsutxna u'kawa'jas knayçxa ji'pte nxu'</li></ul>

### **1. TXĀA PAES PA'KA U'KASA' KĪHÇXA PEJĪNXI EÇ TXTEY NXU JI'PHUNXA PIYAYA UKAWEÇXA**

<ul style="list-style-type: none"><li>• Je'z setx kabanxisa kxhĩmeçxa' je'z setxteçxava piyan ūssa</li></ul>
<ul style="list-style-type: none"><li>• Nasa çxabuh we'sx nxuu ji'phunega txhĩçxa uka yat walate idx yase' eçte fxi'nji vxa jiphuna vite' txāa Asuntos Indígenaste Ministerio del Interiorte vxa ji'phunega</li></ul>
<ul style="list-style-type: none"><li>• Naa PAES te u'kaya evumenxa piyayatwalate nxaa' ūssaçxa'</li></ul>
Nasnasatx piyayatwalate u'kawēçxa mawteva txāa maw mjiwātheva jxukasu u'kawa ĩsanxite ew knanxu ji'phuna txāa piyayatwalate kih kapiya'jxvate jxuka ew çxaa pasu ji'phuna txāa je'z (2%) pa'kanxite u'kaya evuya

## PA'KANXINXA'SATX WE'SX TXTEY NXUWA' KAJIYUNXJI EÇ

Piyasa we'sxa' çehk piyanxi's kabanxa'çxha petx kiwesu petx ka'jxumnxisu mawteva teeçx a'kafx thaakwe ätpu'çxhi ji'pta

Txãa piyasa nasnasa çxabsu we'sx piyayatwalatenxa' ũssa txhĩçxa vxu ptxi'nxji knaysa' txhĩçxa nãa PAES pa'ka u'kasa maz çxaa txhĩmeçxa kih nxuhva vxu dukme u'kanxa txãa yuwe jxukheknxi tek (3) txhĩçxa puypuywe'wnxi 18te a'kafx1999te we'sx

## EÇTE MAW YASE'S ÄKWA'THEVA U'HİSA TA'SXNXI

Peetxjĩ cedula ĩsanxitxi's txãa çaa ipxte (aplicativo)te äkhenekwe txte nxa' piyasa naw u'kanxinaw vxana txhĩçxa nasa naw vxanekwe txawme nxu' was nawçxa ulpenxitxna vxu açã txãa pa'ca teeçxus penxitxna açã seena ew pasu ji'phunekwe açã txaju txãa Romte vxanekwe

Txãa eçte kĩh peejxteva yuutan yutan u'jenekwe açã nmehte maz ĩsanxi (codigo) ew phuphnxisa vxanxa açã txaju ĩsate u'kanxitenxa' txãa vxana nava maw nxuwãtheva txtey txe y nxuun u'theçxa 2 jxukhekte mawneta ikah txãa pa'yanxi eçte na' txãwey

Txãa peetxjĩ cedula de ciudadanania ĩsanxi' va makwe txte fxitheva vxamena açã txaju vxu penxinxã nasa naw vxamete açã' txãa eçtxi's phew'wēte naw nxunekwe ayte kajiyujxaphthaw

Peetx çxabte we'sx ukawe'sx ne'jwe'sxtxi's txãa mtee äkwa'theva txãa Asuntos Indigenaste ministerio del interiorte Romte peetx yase's äkh kajanekwe nasasa naw vxakan

Txhĩçxa txãa eçtxi's ew vitnxa'çxha txãa petx ukawe'sx nasath jĩnxi eç txhĩçxa ne'jwe'sx sũtxnxi eç (constancia) txã'wey txhĩçxa' eçkwe thaakwe txãçxsame tek (3) a'tesa skhewsame txã's kajanekwe txãa was cxbwalatepa' txãa u'nxjite Asuntos Indígenaste Minorias jĩnxi txhĩçx Romte txhĩçxa txãa nejwesx ukanxi en eçva txãa akafxtey we'sx nxu ji'phuna

Txhĩçxa txãa nyafx eça's (certificado) tahz (5) en pējiina dukhe ji'phunekwe txãa eçte yase's äkwa' een psumeyna txãa payanxi eçte ma'jine na' txãwey nxunekwe

Txãa u'kanxite u'jwa' yuwe kapa'kanxji (correo electrico) pejxta' txãa ukawe'sxjĩ txhĩçxa txãa ne'jwe'sx yat walate we'sxçxasa açã txãasu yuwe kaan txhĩmeçxa pa'yan ya'ūsuna txsu kĩh eç va kajxiyu'n ya'ūsutxna

## ÄHME EÇTE ĩSXIÇXA PA'KA KDUKHE'NXJI

Eçte ähme nxunxi ĩsxiçxa fxi'pa'ka piyayatwalaju naw kdukhe'jenxa txãa yuwe jxukheknxite (articulo) 12 txhĩçx 13te txhĩçxa txtey nxuwa' eçte (resolución) 002 te 2014 te we'sx piyayatwalaju (Universidad Nacional) ikanxji txeek maw kdukhewa'the çehk kajxiyuju

**TXTE KHUÇXKWE WEY JISA JE'Z SETX KABANXISA WE'SX MAW PA'KAWA'SATEVA EÇ ÛSNA TA'SXNA**

<b>NORMATIVA</b>	
Acuerdo 013 de 2009 del Consejo Superior Universitario=	puypuywe'wnxi 013 2009te we'sx txãa thuthesa piyayatwalate we'sx ikanxji

**TXÃA PROGRAMATE U'KAWA'SA KÎHÇXAVA KNAYNXÃ EVUTXNA**

Txte peetx yace's vxu pa'akame äkyä evunekwe
Teeçx u'kawa' jxawnxi 2% pa'kasa piyawa' thegnxite u'kawa nuyhtne'ta txãa payanxite txãw neta ki'p
Maa nyafxte u'kawësa u'kaya evumeçxa' e's çxava u'kaya eçte kikin ya'akya evunxa txãa PAES te kîh kaapiya'jwatheva txãa pa'ka piyaya u'kaya txhîçxa. Maa e'zus (2) nxa' u'kawësa u'kaya evumeçxa' e's çxava u'kaya eçte kikin txätey ya'akya evunxa txãa PAES te kîh kaapiya'jwatheva txãa pa'ka piyaya u'kaya. Txãa piyasa u'kanxi's knayçxava piyaya u'mjete' txhîmeçxa tekhus (3) skhewmwvana açä peena txãa PAES programa pa'ka u'kaya e'snxa'ja evuna

Txtee u'kaya evute pa'kavanxa açä' naw knanxuna

u'kanxi's walameçxa dukhena
Txãa piyayatwalate kîhçxa ne'ta peesu piyasa's na' txtee txaava pa'kawa' ji'phna txãa programa PAES pa'ka ukasaçxa

**TXÃA PAES PA'KA U'KAWEÇXA NAA EÇ PEJÎNXA TXTEY NXU JI'PHUNXA PIYAYA UKAWEÇXA**

Je'z setx (11) piyan txhîçxa kabanussa nxa' txhîçxa txãa programaju piyaya' u'jxa txhitnxisa nxa'
Küçxkwe wejx ew piyasanxu ji'phunega seena ewsa jînxî kaapiya'sa we'sx vite kûh nasa we'sx txhîtxnxisa txãwçxa txãa PAES te u'kaya evunekwe piyasa ew ënasa txhîçxa ew dxihksa na'w
Maw nxuteva Jxu' Piyayat Walate (Universidad Nacional) te u'kasanxa'phakwe na' txhîmeçxa vite programasu naw pu'çxhi'tx na' txsu ùssanxa'pha'kwe nanxu' peena aytey u'kaya evumenekwe txãwme ähme nxunxi kãsejena
Piyaya' u'kawa îsanxi's mawteva jxukaysa ew pasu ji'phunkwe vite na'wçxa ukasa we'sx nawëy txhîçxa piyayatwala' (Universidad) vite piyosatx kîh ne'ta penxi na' i'kwe'stxti's txã'wey ji'phuwã'nxjuna txãwmenxu' skhëwmenekwe piyayatwalate u'kawëçxava



Txãa u'kawa's ãsanxite seena ew knanxu ji'phuna txãa 2% te kãh kapiya'jwa ji'phtxin nava txaasu jxuka seena ew pasu ji'phuna

Txaa u'kawẽsatxi's pkanxa'the txãa eçtxi's ew vitnxa'çxha txãa petx txãwẽ'sx nasa khũçxkwe pwe'sx jĩnxi eçkwe peetx kuseju sũtxnxi (autoreconocimiento) jxunu'je ji'phunekwe txãa was cxbwalatepa' txãa u'nxjite Asuntos para comunidades negras afrocolombianas te we'sx txte jxunu'jenekwe txãwme nxu' piyaya u'kanxi's viitunekwe

### **PIYAYATTXI'S TXHITXNXI**

Piyayat walate we'sx piyaya' u'kakan pa'kanxite ãkhya vxu pa'kametx ta'sxi' txãa kũçx çxab wejx pxthasatx nava wejx piyasa ew jiisatx estrato teeçx (1) txhĩmeçxa je'z (2) estratote we'sx txãa kũçxkwe piyayatsu we'sxjĩ

Kũçxkwe piyayat eçte txhitxçxa fxi'nxji

### **EÇTE YACE'S KÃKHE'JWA MAW NXUWÃTHEVA TA'SXNA U'NXJI**

E'ste kih eçkwe tkhaw pẽjx txtey nxu ji'phunekwe

Piyayat walate rector kaanxji u'jeji'phuna txhĩçxa teeçx usuario vite contraseñan ũste çxaa u'kaya evuna

Ãsate eçte yase's ãkhna u'jenekwe txãa eç maw vitwa'theva txte je'z (2) te thegçxa pa'yanxi eçte ma'jine' na' txãwey nxuun u'jenekwe

### **ÃHME EÇTE ÌSXIÇXA PA'KA KDUKHE'NXJI**

Piyayat wala (Universidad Nacional) txãa yuwe jxukhekni 12 txhĩçx jxukhenxi13te puypuyewwnxi 002 ju 2014 te we'sx txãa piyayatwalate ikasa naw kdukhe'jen eçte ãsxi pa'ka

**TXTEE PXTHASA WEJX JI'PHMESATX TXHĪÇXA PIYASA WEJX EW JIISATX PIYAYA U'KAKAN PU'ÇXNXI**

<b>NORMATIVA</b>	
Acuerdo 93 de 1989 del Consejo Superior Universitario	Puypuywe'wnxi 93 te txhīçx 1989 te we'sx piyayatwalate thuthenas ikanxji

**TXĀA PROGRAMATE U'KAWA'SA KĪHÇXAVA KNAYNXĀ EVUTXNA**

Txte peetx yace's vxu pa'akame ākyā evunekwe
Teeçx u'kawa' jxawnxi 2% pa'kasa piyawa' thegnxite u'kawa nuyhtne'ta txāa payanxite txāw neta ki'p

**TXTEE U'KAYA EVUTE PA'KAVANXA AÇA' NAW KNANXUNA**

<ul style="list-style-type: none"> <li>• U'kanxi's walameçxa dukhena</li> </ul>
Txāa piyayatwalate kīhçxa ne'ta peesu piyasa's na' txtee txaava pa'kawa' ji'phna txāa programa PAES pa'ka ukasaçxa

**TXĀA PROGRAMA PA'KA U'KAWEÇXA NAA EÇ PEJĪNXA TXTEY NXU JI'PHUNXA PIYAYA UKAWEÇXA**

Je'z setx (11) piyan txhīçxa kabanussa nxa' txhīçxa txāa programaju piyaya' u'jxa txhitxnxisa nxa'
Wejx ew jiisa wejx ew piyasanxu ji'phunega seena ewsa jīnxi kaapiya'sa we'sx vite kūh nasa we'sx txhīçxnxisa txāwçxa naa programate u'kaya evunekwe piyasa ew ēnasa txhīçxa ew dxihksa na'w
Maw nuxçxava naate Piyayat walate(Universidad Nacional)te u'kasanxa'phakwe na' txhīmeçxa vite programasu naw pu'çxhi'tx na' txsu ūssanxa'pha'kwe nanxu' peena aytey u'kaya evumenekwe txāwme āhme nxunxi naw kāsejena
Piyaya' u'kawa īsanxi's mawteva jxukaysa ew pasu ji'phunkwe vite na'wçxa ukasa we'sx nawēy txhīçxa piyayatwala' (Universidad) vite piyasatx kīh ne'ta penxi na' i'kwe'sxtxi's txā'wey ji'phuwā'nxjuna txāwmenxu' skhēwmenekwe piyayatwalate u'kawēçxava
Txāa u'kawa's īsanxite seena ew knanxu ji'phuna txāa 2% te kīh kapiya'jwa ji'phtxin nava txaasu jxuka seena ew pasu ji'phuna

## PIYAYATTXI'S TXHITXNXI

Txãa piyayattxi's çxabkwe ew pxthasa txhĩçxa ew pejxsa txãa maw piyan uste mtee piyayat ũsteva txhĩçxa maz piyasa ji'phite vite' maz ki'tx naa a'kafxte piyayatwalate eçte kãkhe piyawẽsa txa's neta ew thegçxa txhitxna u'je' txãa vxu pa'ka me piyawẽsa ecte khẽnxa evukan piyayat txhĩtxnxisa we'sxjĩ

## EÇTE YACE'S KÃKHE'JWA MAW NXUWÃTHEVA TA'SXNA U'NXJI

E'ste kih eçkwe tkhaw pẽjx txtex nxu ji'phunekwe

Piyayatwalate rector kaanxji u'jeji'phuna txhĩçxa teeçx usuario vite contraseñan ũste çxaa u'kaya evuna

İsate eçte yase's ãkhna u'jenekwe txãa eç maw vitwa'theva txte je'z (2) te thegçxa pa'yanxi eçte ma'jine' na' txãwey nxuun u'jenekwe

## ÃHME EÇTE İSXIÇXA PA'KA KDUKHE'NXJI

Jxu'Piyayat wala (Universidad Nacional) txãa yuwe jxukheknxi 12 txhĩçx jxukhenxi13te puypuywewnxi 002 ju 2014 te we'sx txãa piyayatwalate ikasa naw kdukhe'jen eçte İsxi pa'ka

## **JE'Z SETX KABASAJĪ WEJX EW PYASA JĪ PROGRAMA PIYAYA U'KAKAN**

<b>NORMATIVA</b>	
Acuerdo 30 de 1990 del Consejo Superior Universitario	puypuywe'wnxi 30 ju 1990te we'sx piyayatwalate txāa thuthesa we'sx ikanxji

### **TXĀA PROGRAMATE U'KAWA'SA KĪHÇXAVA KNAYNXĀ EVUTXNA**

- txte peetx yace's vxu pa'akame ākyā evunekwe

Txtee u'kaya evute pa'kavanxa aça' naw knanxuna

U'kanxi's walameçxa dukhena

Txāa piyayatwalate kĪhçxa ne'ta peesu piyasa's na' txtee txaava pa'kawa' ji'phna txāa programasu pa'ka ukasaçxa

### **NAA PROGRAMA PA'KA U'KAWĒÇXA NAA EÇ PEJĪNXA TXTEY NXU JI'PHUNXA PIYAYA UKAWĒÇXA**

Je'z setx (11) piyan txhĪçxa kabanussa nxa' txhĪçxa txāa programaju piyaya' u'jxa txhitxnxisa nxa'

Wejx ew jiisa wejx ew piyasanxu ji'phunega seena ewsa jĪnxi kaapiya'sa we'sx vite kŭh nasa we'sx txhĪtnxisa txāwçxa naa programate u'kaya evunekwe piyasa ew ēnasa txhĪçxa ew dxihksa na'w

Maw nXuçxava naate Jxu' Piyayat walate (Universidad Nacional) te u'kasanxa'phakwe na' txhĪmeçxa vite programasu naw pu'çxhi'tx na' txsu ūssanxa'pha'kwe nanxu' peena aytey u'kaya evumenekwe txāwme āhme nxunxi naw kāsejena

Piyaya' u'kawa ĩsanxi's mawteva jxukaysa ew pasu ji'phunkwe vite na'wçxa ukasa we'sx nawēy txhĪçxa piyayatwala' (Universidad) vite piyatatx kĪh ne'ta penxi na' i'kwe'sxtxi's txā'wey ji'phuwā'nxjuna txāwmenxu' skhēwmenekwe piyayatwalate u'kawēçxava

### **PIYAYATTXI'S TXHITXNXI**

Txāa piyayattxi's çxabkwe ew pxthasa txhĪçxa ew pejxsa txāa maw piyan uste mtee piyayat ūsteva txhĪçxa maz piyasa ji'phte vite' maz ki'tx naa a'kafxte piyayatwalate eçte kākhe piyawēsa txa's neta ew thegçxa txhitxna u'je' txāa vxu pa'ka me piyawēsa ecte khēnxa evukan piyayat txhĪtnxisa we'sxjĪ

## EÇTE YACE'S KĀKHE'JWA MAW NXUWĀTHEVA TA'SXNA U'NXJI

E'ste kih eçkwe tkhaw pějx txtey nxu ji'phunekwe

Piyayat walate rector kaanxji u'jeji'phuna tXHĭçxa teeçx usuario vite contraseñan ũste çxaa u'kaya evuna

İsate eçte yase's ākhna u'jenekwe txāa eç maw vitwa'theva txte je'z (2) te thegçxa pa'yanxi eçte ma'jine' na' txāwey nxuun u'jenekwe

**NAA KIWE PE'LATE ÇAAM TU'SSA PXTXUNXISA JÍ NAA PROGRAMATE PIYAYA U'KAKAN**

Normativa	
Acuerdo 215 de 2015 del Consejo Superior Universitario=	Puypuywe'wnxi 215 te txhĩçx 2015 te we'sx Piyayat walate thuthenas ikaasa

**TXÁA PROGRAMATE U'KAWA'SA KÍHÇXAVA KNAYNXÁ EVUTXNA**

- txte peetx yace's vxu pa'akame äkya evunekwe

Txtee u'kaya evute pa'kavanxa açá' naw knanxuna

Nyafx piyayau'kawa eçte äknxis vxu peejxmenxa

Txáa piyayatwalate kíhçxa ne'ta peesu piyasa's na' txtee txaava pa'kawa' ji'phna txáa programa pa'ka ukasaçxa'

**NAA PROGRAMA PA'KA U'KAWĒÇXA NAA EÇ PEJĪNXA TXTEY NXU JI'PHUNXA PIYAYA UKAWEÇXA**

Txáa registro único de victimaste vite' txáa programa Departamento para la prosperidad social jĩnxite txaawey mawteva ũsu ji'phunega txáa piyawa'the u'kawĒçxa

Maw nxuteva Piyayat walate (Universidad Nacional) te u'kasanxa'phakwe na' txhĩmeçxa vite programasu naw pu'çxhi'tx na' txsu ũssanxa'pha'kwe nanxu' peena aytey u'kaya evumenekwe txāwme āhme nxunxi kāsejena

Piyaya' u'kawa ĩsanxi's mawteva jxukaysa ew pasu ji'phunkwe vite na'wçxa ukasa we'sx nawĕy txhĩçxa piyayatwala' (Universidad) vite piyasatx kíh ne'ta penxi na' i'kwe'sxtxi's txā'wey ji'phuwā'nxjuna txāwmenxu' skhĕwmenekwe piyayatwalate u'kawĒçxava

**EÇTE YACE'S KĀKHE'JWA MAW NXUWĀTHEVA TA'SXNA U'NXJI**

**NYAFXTE U'KAWEÇXA EÇTE KAFXI'JINXJI**

Idx txáa eç çaaam tu'ssa pxtxunxi jĩnxisatxi's çehk ji'phva'ga açá txáa programa especial para las victimas jnxite u'kaya evunega

Txaa 15 de eneroju txhĩçxa naa akafx 2019 ju nxa'ja idx yase's petx cedula's txáa jxukhekhnxite ew ĕena ākhenega vite thegçxa payya evukan

Naatx ũuste yu'ākhenega

Txãa yuwe kajiyunxjiti's tahz een eçte fxi'jwa pëejjçtey ãphmeyna kaja ji'phunekwe txãa piyayatwalate kapa'kanxite
Txãa u'kawa thãsnxi's peetxi nawsa içxa eçte ãkhwa' nxuna txã's nxu txãa u'kawa thãsnxi's nxu' kapa'kanxjite kajaji'phunekwe
Txãa naw i'kwe'sx kapakanxi kaanjekwe naa txte kîh peena nxuwãtheva yuwe kajiyunxji kajanja fxi'çxha
Ïsate eçte yase's ãkhna u'jenekwe txãa eç maw vitwa'theva txte je'z (2) te thegçxa pa'yanxi eçte ma'jine' na' txãwey nxuun u'jenekwe

**NAA PROGRAMA PA'KASU VA'KWE EÇTE YASE'S KAFXI' TXHÏÇXA KIKIN VA U'KAYAVANEKWE AÇA NAW NXUNEKWE**

Naatx dxikhthete ãna ji'phunekwe txhïçxa naatx txtey nxuu ji'phunekwe
Txãa naw u'kawa thãsnxi eça's kanje'kwena' txãa ewna jînxî nxa' ùsu ji'phuna txhïçxa peetx cedula ïsaxi's txãwey ewna jînxî nxa' txã çaa ipx direccionte ùsu ji'phuna
Txãa piyayatwalate (Universidad Nacional de Colombia) teeçxus jxuhva u'kasamete çxaa evuna
Jxuka kîh ne'ta penxi piyasa nxuwa na' txãtx ji'phunekwe
Mawteva ewna jînxinxaphana aça' ïsate eçte yase's ãkhna u'jenekwe txãa eç maw vitwa'theva txte je'z (2) te thegçxa pa'yanxi eçte ma'jine' na' txãwey nxuun u'jenekwe
Txãa u'kawa' eçte idx cedula ïsanxi's ãkna u'jenega aça txãa ïcxa idxa's jiyuna txãw çaaam tu'ssa pxtxunxisa naw aça txãw jiyunxa'çxha vxu ulpejxmena

**ÃHME EÇTE ÏSXIÇXA PA'KA KDUKHE'NXJI**

Piyayatwala (Universidad Nacional de Colombia) txãa yuwe jxukheknxi 12 txhïçx jxukhenxi13te puypuywewnxi 002 ju 2014 te we'sx txãa piyayatwalate ikasa naw kdukhe'jen eçte ïsxi pa'ka
---

# KIH KAPIYA'JWATHEVA TXTE TXĪÇXA U'KASATX MAW PAKAWA'THEVA THEGNXI (PEAMA)

Piyasa txãa eç kĭh kapiya'jwatheva txte khĕjenxa txãa Piyayatwalate (Universidad Nacional de Colombia) te kĭh ne'ta ta'sxi na txte u'kawajas ĩsaya evutxna txãa Piyayatwala ku'ta txte utxa u'psate yu'

<b>Normativa= Txtey nxuwã eç</b>	
Resolución 57 de 2018 de la Vicerrectoría Académica	Txtēy nxuwã eç 57tete txhĭçx 2018te we'sx txãa piyayatuh ikanxji
Acuerdo 025 de 2007 del Consejo Superior Universitario	Puypuywe'wnxi 025 txhĭçx 2007tete piyayatwalaju ikanxji
Resolución 55 de 2016 de Rectoría	Txtēy nxuwã eç 55 te 2016 te piyayatuh we'sx
Acuerdo 201 de 2015 del Consejo Superior Universitario	Puypuywe'wnxi 201 txhĭçx 2015 te we'sx Piyayatwalate we'sx thuthesajĭ

## Txãa programate u'kawa'sa kĭhçxava knaynxã evutxna

Txãa Piyayatwala ku'ta ĩsa tekhnasa (3) u'kawa' ũsunthkhaw txãa Amazoniate, Caribete txhĭçxa Orinoquiate txhĭçxa txãa kĭh kapiya'jwatheva txsu programatx ta'sxinthkhaw txãa yuwe jxukhehnxiteeçx (1) txtēy nxuwã ec 57 2018 te we'sx

Nyafx a'tesu a'kafx 2019te je'zkan (200) u'kanxi thaw nuyhth txãa piyayatwala ku'ta Tumacote we'sx txhĭçx 50 u'kanxi txãa Chocote we'sx vite çxab Tadó te we'sxtxãwey txãa yuwe jxukhenxi je'z (2) txhĭçxa tekhnasa (3) te txtēy nxuwã eç 57 tete txhĭçx 2019 te we'sx

## Txtee u'kaya evute pa'kavanxa açã' naw knanxuna

Txãa piyayatwalate we'sx vite txãa piyayatwala ku'tasu we'sx yak txãw maw nxuwãtheva thegpu'çxhinxa txãa piyasatxi's vxukwe txhĭmeçxa wetwet piyan fxizekan thegu jĭ'phunxa piyasa ewçxaa kŭh yahtxme piyan fxĭ'zekan



**NAA PROGRAMA PA'KA U'KAWĒÇXA TXĀA KĪHÇXA NE'TA EÇ PEJĪ' NA  
TXTEY NXU JI'PHUNEKWE PIYAYA UKAWĒÇXA**

Nmje je'z (2) a'kafxtxi's teeçx piyayat txāa piyayatwala (Sede de Presencia Nacional) yak putxwe'wnxi ji'psate nxu u'kaya evunekwe
Txte piyaya u'kawēçxa mawteva je'z (2) a'kafx pa'yanxi eç ma'jīte txte maw çxava txāa peetx u'pnxi kiwesu utxa u'pçxa çxa evunega u'kaya
Naa programa pa'ka u'kasanxa'ja naa eç pejīnxa aça mawteva txtey nxu ji'phunekwe piyaya ukawēçxa
Txteyu' eçkwe penxitxna txāa te we'sxteva meeçxa maz akafx txte upsateva txā's ēena kajiyun fxi'nxjisa txhīçxa maju we'sxteva eç ew yase sūtxnxi ji'psa vite' txāa eç thaakwe īsxsame u'se kutxi'nxji çxasa aça txāa nxak īsate u'kawa'theva peetx yase's eçte ākhya evunega
Txteyu' eçkwe penxitxna txāa maa piyayatte (institución) ne'kwe nmje jez a'kafxtxi's kaba na txāwēsx txāa eçkwe's ēena kajiyun fxi'nxjisa txhīçxa mtee piyan usnxiteva eç ew yase sūtxnxi ji'psa vite' txāa eç thaakwe īsxsame u'se kutxi'nxji çxasa aça txāa nxak īsate u'kawa'theva peetx yase's eçte ākhya evunega
Caribete we'sx u'kawēsa' txāa eç txte ūsu'neta tarjeta nawsa aytek maantey u'pu jīnxisa txā's txwesu ji'phunekwe
Naa programa pa'ka u'kaçxa vaa vxiitna meeçxa kabameyna kãsejēvana aça vite programa (PEAMA) su u'kaya evumena
Maw nxuçxava naate Piyayat walate (Universidad Nacional) te u'kasanxa'phakwe na' txhīmeçxa vite programasu naw pu'çxhi'tx na' txsu ūssanxa'pha'kwe nanxu' peena aytey u'kaya evumenekwe txāwme āhme nxunxi naw kãsejena
Piyaya' u'kawa īsanxi's mawteva jxukaysa ew pasu ji'phunkwe vite na'wçxa ukasa we'sx nawēy txhīçxa piyayatwala' (Universidad)vite piyasatx kīh ne'ta penxi na' i'kwe'sxtxi's txā'wey ji'phuwā'nxjuna txāwmenxu' skhēwmenekwe piyayatwalate u'kawēçxava

**Eçte yace's kākhe'jwa maw nxuwātheva ta'sxna u'nxji**

E'ste kih eçkwe tkhaw pējx txtey nxu ji'phunekwe
Teeçx pin uyu ji'phunekwe
Īsate eçte yase's ākhna u'jenekwe txāa eç maw vitwa'theva txte je'z (2)te thegçxa pa'yanxi eçte ma'jine' na' txāwey nxuun u'jenekwe
Idx txāwey txāa programasu u'kawa eçtxi's çeh ji'phva'ga aça papehynxa evunega naa puypuywe'wnxi 076 txhīçx 2012 te we'sx txāa pa'ka nawçxa vxu ji'mje pa'kaya evnekwe jīnxinx' ūsa txāa programa PEAMA vite PAES pa'ka u'kasa txte piyaya u'kanekwe masume

## ÃHME EÇTE ÎSXIÇXA PA'KA KDUKHE'NXJI

Piyayatwala (Universidad Nacional de Colombia) txãa yuwe jxukheknxi 12 txhĩçx jxukhenxi13te puypuywewnxi 002 ju 2014 te we'sx txãa piyayatwalate ikasa naw kdukhe'jen eçte îsxi pa'ka

## U'KAWA ÎSANXITX KAJIYUNXJI

### U'KAWA ÎSANXI

U'kawa îsanxi' tahz (5) piyanxitx ku papenxi makwe piyanxisateva jiyuya txa' îsanxi matemáticas, ciencias naturales, ciencias sociales, análisis textual y análisis de imagen txãatx ne'ta u'kawa îsanxite 120 ãh papenxi' txhĩçxa ne'ta tekx (3) hora vite teepxyan jxuka pasckan ũsu

U'kawa îsanxi's je'z pxyahte ne'ta txuhdeçxa vitu'

Teeçx pxyahna' seba (60) papejxnxitx ne'ta ũsu' txãa ksxavxte evaluación análisis textual txhxixcx matemáticas vite ciencias naturales vite ciencias sociales txhĩçxa je'z hora ne'ta ũsu pasckan

Je'z pxyahte vite seba (60) papejxnxitx ne'ta ũsu' txteyçxa evaluación análisis textual txhxixcx matemáticas vite ciencias naturales vite ciencias sociales txhĩçxa teeçx (1) hora vite teepxyahn (30minutos) ne'ta ũsu pasckan

Txãa kapiya'jwathe îsa maz papeynxiteva naa taplate ta'sxina

Componente Kihçxahji'psa		Número total de preguntas Maz papejxnxitx îsanxi
<b>Matemática = Isawa</b>	Pensamiento numérico Îsanxitx ũus yuthnxi Pensamiento espacial y métrico Wejx îsanxi ũus yatxnxitx Pensamiento aleatorio ëesu çxa ũs yatxnxi Pensamiento variacional vitvit ũus yuthnxi	25
<b>Ciencias Naturales = Kiwe sxakwe's kapiya'nxji</b>	Física = Química Biología	25

<b>Ciencias Sociales = Kwe'sxpwe'sx fxizenxi's kapiya'nxji</b>	Historia Geografía Filosofía	25
<b>Análisis textual = Eçte úus yuthnxi</b>		25
<b>Análisis de imagen = Piisanxi's úus yuthnxi</b>		20
<b>Total = jxukaçxa</b>		120

<b>Piyasa we'sx makwe jiiteva jiyuya u'kawa ĩsanxi papejnxitx vitya' nawthaw nxuu</b>
Txãa eç newewnxisa fxi'nxjitx txãa Ciencias Naturales vite Ciencias Humanas Tecnologia txhĩçx artes vite' fxinxji yuwe zxiçxkwesa poema literario twee jĩnxi (cuentos) fragmentos novelas vite ensayo nawsa txãa fxi'nxi kim pejxteva payya evunxa maw piyaweteva txte çehk úsna i'n txãanxu' weh theyna jiyuwa
Txte piisanxi va ji'phna vite tapla nawkwete aça txte kĩhmeva kapiya'jwa ji'phna txãa úus vite dxikthe's fxitxna u'sa ew nas jiisa nxukan txhĩçxa txte jiyunthkhaw txãa piyasa kihnxuwãselpite va
Txte maw yuwesa theysa va ki'punxa wala úus yaatxkan txhĩçxa maw txãa yuwetx phew'jwatheva ew piyakan txhĩçxa piyanxis txte atxahn u'khan vite txãa nxak ja'da upsa yak zxiçxkwe fi'zeya piyakan
Txte piisanxi kthegu'n kvitu'n txãwa txãa simetría nasa pwe'sx puywewnxi jĩnxi txãwe'sx pwe'sx puyjiyutxna txhĩçxa maw piyawatheva maw fxi'zewatheva txe yuwe theysa vxyate phewjxa piyanxa

Jxu' Piyayat wala (Universidad Nacional de Colombia) te we'sx piyasa áte maw u'kawa'theva jiyukan teecx mjiwã jĩnxisa vitne'ta txte u'kaçxa kih kapiya'jxapteva

Txte papejnxna evunxa aça ayte me'kawe jiyuweçxa'

<https://admisiones.unal.edu.co/pregrado/pruebas-especificas/>

## U'KAWA PAPEJNXITI'S MAWTHKHAW ĪSA EE

<p>Txaa u'kasatx papejnxisatxi's nawthaw ĩsa txāa (TRI) te thegçxathaw txās uwe' tXHĪÇXA txāa Rasch te ākhe txāa txāw vitwa' ji'pha txāa txāw theysa ĩtem ji'pha. piyasa ĩsa thaw jiyunxi's ĩsa makwe jiiteva jiyuya matemáticas, ciencias, sociales, análisis textual y análisis de la imagen txaata' txāawēsxtxi's peynxi maw pasteva txte jiyunthkhaw piyasa ew dxihkthevan açā txte ya'jiyuna txāa tahz piyawa yuwe ji'phtxin txāsu 500 puntos āh meeçxa yuwe ĩsa 100 kutxi'the nxu seena ewna txāa puntajetx nxu'maayçxa ne'ta naa Universidad Nacionalte txāw kutxi'ji açā txāa's nxu wejx seena ew tXHĪÇXA papejnxiti's jxuka passatxçxa txāa 500 puntajetx kutxi'thenxu seena ewna, açā vite piyasa 500 tasxuh kutxisa nxu thaakwe ewmena jxuka ew pasmene' açne' txawçxa kutxi', napkaçxha vite u'kawa'sa wejx dxihkhsa nxu 600 vite 700 vite 800 900 tXHĪÇXA vite' 1000 te yuhva kājakuta çā'k txāa piyasatx papeynxitxi's eçte jxuka ji'phnxa'çxha txte nmeh ĩsanxi's ya'jiyuna</p>
<p>Txāa u'kawa papejnxixi yuwe jiyunxi eçju ya' jxawna txāa lector óptico yak tXHĪÇXA txāa piyasa pasnxitxi's tXHITXINHKHAW ew pasnxisatx vite ewme pasnxisatx txāwey tXHĪÇXA nmehte ew pasnxisatxçxa ya'theguna</p>
<p>U'kasa dxihkteva txte ya' theguna txāa tahz ĩsa papeynxitxi's maw pasteva txte ya' jiyuna</p>
<p>txaju nxa'ja teeçx nmeh ĩsanxi kutxi'jinthkhaw piyasa dxihkthete nxu' txāa peynxitx jxuka paste yu' tahz yuwe kapiya'jwatheju kutxi'nxji 500 tXHĪÇX vitesu nxu' 100 ju txāa piyasa maw pasteva txāa piyawa yuwe ĩsa wejx ewsa txte nenxun ujena</p>
<p>Nmehte txāa u'kawa'satxi's txāa txtey nxuwā ecte 002 tXHĪÇX 2014te we'sx maw ne' nenxu na' txāwē ya'yuna</p>
<p>Txāa u'kawa txhtnxisatxi's thegunxa piyasa kih piyawēte va txte u'kaya evunxa nava txāa puntajete maz kutxinxite thegçxa tXHĪÇXA maa piyayat yak putxwewnxi ji'pte thegçxa</p>
<p>Txāa u'kawa'nxu txāa piyayatsu kuh khu phkhakheçxa pa'yanxa mtee ki'k u'ka nava txāsu thegçxa tXHĪÇXA maz puntaje kutxi'nxiteva vite maju sede te we'steva çekh thegçxa maa Universidad te u'jwatheva txāa 500puntos seena pu'çxina</p>
<p>Txāa u'kawēsa Medellinte va u'kathāsu meeçxa Manizales vite Palmirate açā mawteva 500 puntos thaakwe kutxi'ji ji'phuna</p>
<p>Txāa u'kawa'sa Was çxabwalate (Bogota) va u'kawējena açā' mawte va 600 puntos āh tXHĪMEÇXA thaakwe kutxitheçxaa evunekwe</p>
<p>Txāa u'kawa'nxju txte kuh tXHITXNXI phkhakhenxa, tXHĪÇXA teeçxa's yaçte ki'punxa txaju wejx puntaje ewsa ji'psatx sede ĩsa teeçx (1) teeçx pa'yan ujetxna</p>
<p>Txāa kuh piyasatx papejxna tXHĪÇXA u'kawa'the pa'kan nxa'çxha nxu' cupo nenxuvatxna açā vite kuh piyasa yak ya' takhena txāa piyanxite u'kawesatx txāa piyawa' yuwetx papejxna txāa cupo kijxasatx</p>
<p>Txāa kuh piyasa ukawasatx papejnxitxi's vitna nxja'çxja txāa cupo nenxumevanxa açā vite kuh piyawesa txāa piyayatte takhya ājamenxa</p>

Txāa kuh txhitxni piyasa jī, txāa maw cuputx uswatheva txā's nxu' vite ensu pa'yanxi eçte ta'sxinx
Piyasa u'kawesa nxu' txāa eç piyawa yuwe's eçte kākhejxa evuna txāa een skhewmeyna txee txāa piyawēsa yuwetxi's fxi'jxa evunekwe
Txaju txāa piyasawe'sx txāwē'sx kih ne'ta piyawēje na' txātx fxi'nxjix dukhnxa'the īsanxitx thegçxa ewkwe' walaju takhçxa phew'n u'jenxa txhīçxa cupo kijxsatxi's wejx ew puntaje jī'phsatx ūsunxa maa wejx pējxsatx txhīçxa piyasa ma's pejxte va txā's ya'theguna
Txāa cupo ūsninxathe' u'kawēsa piyasa piyayatwalate (Universidad Nacional de Colombia) pa'kanxinx naw vxana
I' teeçx u'kawēsa va jez piyawa' yuwete khē nava maateyuhva skhewmevana aça vitete puntaje txte we'sx sepite nxu' txte u'kaya evuna aça' mawteva txte pa'kanxa piyayatwalate piyasa nawnxa'
I' teeçx u'kawēsa va txajx grupote u'kaya evumena aça vite we'sx yak u'kaya evuna nava txāte cupo txhīçx piyawa ūstey nava cupo meeva nxutxna aça u'kawēsa piyayatwalate pa'kanxime nennuna
Txāa pa'kanxijunxa'ja piyasa' mawteva piyaya u'kawajxuna txāa piyanxitxi's knaynxa'çxha aça txā's knayçxava u'mjena piyaya aça e's kikin ukawete je'z a'kafx uta pa'kamenxa makwe u'kawēte va
Txāa cupo ūsna mjin yunxi jxuka maz cupo jī'phune'ta na' txātx jxuka pebanxa'the çxaa phsuna teeçx yuhva kijxame
txāa piyasa ukawēsax pa'kawathe nxu' jxuka txāa Universidad Nacional te we'sx kapiyasa mjisa txāa jxuka ne'ta ūsu piyasa pasnxitxi's sutxna maz īsanxi kutxitheva thegna kihnxuhva teeçx juguçxa u'khamen ew ēna çxa papejxnxitxi's sūtxkan txhīçxa vite ja'da çxa thegsa Oficina Nacional de Control Interno te we'sx va usune'ta kīh yuwe theysa va kāsehkamjen txhīçxa vite Direccion Nacional de Admisiones te we'sx txāwēy yafx kaan usuneta txāa Piyayatwalate (Universidad Nacional de Colombia) te u'kawasatxi's
Piyayatwala' u'kawa' papeynxitxi's vituna txāa u'kawēsaxi's txhīçxa eçte txāa yuwe paynxi vite' ingles vite matemáticaste jiyunxitxi's txāa eçte jxawna u'jena txāwē'sx jiyunxtxi's ewkwe phewçxha e's nxa'ja āte kutxi'jxa txhīçxa piyanxi's khadawēçxa eç vitçxa kajaneke kapiya'jwas thāsna txāa puypuyewwnxi 003 txhīçx 2007 te we'sx vite jxukheknxi tekte (3) vite yuwe jxukheknxi 13 te

## DXIHK NXUWÃ TXWESNXI

Piyayatwala (Universidad Nacional de Colombia) te we'sx piyasa âte maw u'kawa'theva jiyukan teecx mjiwã jĩnxisa vitne'ta txte u'kaçxa kih kapiya'jxapteva txe papejnxna evunxa aça ayte me'kawe jiyuweçxa'

Dxihk nxuwã' txwesnxi ayte papejx

Dxihk nxuçxa u'kawa' papejnxni's txwesnxi

Dxihk nxuçxa u'kawa' papejnxni's txwesnxi txãa nasakwe pxthasa ãça'kwesa we'sx jĩ txãwëy

Dxihk nxuçxa u'kawa' papejnxni's txwesnxi txãa nasakwe pxthasa ãça'kwesa wewya ãjãsame we'sx jĩ txãwëy

Txãa fxinxji u'kawa'sa muçxkwewe'sx jĩ txweswa'

Txãa nasa pxtha yafx jĩ'mjesa jĩ txwesya papeynxitxi's audio librote pasya evukan